


234. ANDREAE VESALII BRUXELLENIS  
**QUI CUTICULAE, CUTIS, ADIPIS, ET**  
*carnosae membranae natura per sectionem obseruari debeat.*  
 Caput. VI.



TI praecedente Libro, postquam ossium cartilaginumque historiam absolui, rationem modumque tradidi, quo quis haec ad disciplinam opportunè sibi parare queat, ita quoque hoc Libro omnium, quae seriatim tradentur, secandi artificium post cuiusque enarrationem subiungam, ut quis in uno corpore omnem musculorum ac ligamentorum Anatomem rectè agressurus, & ordine absoluturus sit. Partium uerò quae in sequentibus Libris describentur Anatomem, prout illis commodius fore putauero, suis locis subiiciam. Nunc autè cuticulæ, cutis, adipis, & membranae naturam hunc in modum aggredipossis. Nouacula acutiore, in abdomine, aut quacunque uisum fuerit corporis parte, cutem ad adipem usque recta sectione, & deinde transuersa (ut saltem unum, aut plures angulos moliaris) incidens, tam leuiter ac moderatè cuti nouaculam admouens, ut solam ipsam, illaesa interim carnea membrana, diuidas. Quod sine negotio in homine facies, & praecipue pinguiori, quum subinde, & potissimè in mulieribus adipis crassities, duorum digitorum latitudinem in thorace & abdomine superet, in coxis autem ac clunibus etiam palmae latitudinem, in mulieribus non nimium obesis uincere, in publicis sectionibus uidimus. Ac proinde sectiones ducende sunt eo accuratius, quo macilentius obrigerit corpus. Deinde etià conandum est, ut hanc sectionem citra negotium obire assuescas, cum propter musculos ex carnea membrana conformatos, tum ad discendam neruorum seriem, quam inter cutem membranamque hanc ferri dicemus, & propter innumeras quoque uenas, quae in hoc diligentius erunt discendae, quod nullas in morbis incidamus, nisi carnea membrana suffultas. Postquam igitur cutem ad adipem usque (nò tacta interim carnea membrana) disseueris, hamulo aut unguibus, in aliquo ex sectionibus angulo cutem attolles, & diligenter transuerfis acutiore nouacula, ad cutem ductis sectionibus, cutem ab adipe, quo usque liberueris, separabis. Cuti deinde reflexae ardentem candelam admouebas, ut cuticula ignis uel uesiculae instar abscedat, seorsimque cutem, & cuticulam intuearis. Dum uerò cutem ab adipe liberas (quod nisi laborum patiens, discendique cupidus fueris, non diu indefesse facturus es) neruulos indagare conuenit, & uenas, quae super membranam in adipe prorepentes cutem adeunt, deinde ipsa quoque membrana fibris illis frequentibus cuti commissa, sedulo inspicienda est. Iam si obesum ad manum sit cadauer, adipem à membrana liberare contendito, quod eadem prorsus ratione, qua cutem ab adipe seiuungebas, praestandum est. Cauendumque, ne membrana oscitanter cum adipe auferatur, in quo nostrae aetatis Anatomici aberrarunt, eam membranam in homine reperiri insipientes, atque ita hac potissimum occasione necessariò, ut reliquos corporis musculos, & uenas & neruos, ita etiam ignorantes musculos, ex carnea membrana constitutos, & per illam exprorectas uenas & neruos. Ablato adipe, leuè sectionem per carnosam membranam ad subiectos ipsi musculos usque induces, & parua opera, solis ferè digitis per transuersum hinc inde actis, aut buxo cultello, aut, si uoles, nouacula, illam à subditis partibus separabis, atque aliam membranam à cute separationem esse discas, quam membranam ab illis, quibus incumbit corporibus, auulsionem, quam Herophilus *Alexandri* nuncupauit. Haec enim factu facilis est, ocyusque perficitur, illi operationi penitus respondens, qua bobus, uitis, ouibus, leporibus cutem citra negotium auferri uidemus, imò auulsio haec adeò prompta est, ut solo flatu haec agnis, & etià iunioribus uitis, membranam hanc cum cute, à subditis corporibus separari indies cernamus. Verum cutis ab adipe aut à membrana separatio, nisi frequentissimis sectionibus, acutissimisque nouaculis completur. Quod etiam & lanij nos docent, quoties sub axillis cutem auferre conantur, carnosam membranam corporis bouis adnexam (ne nimium carnis auferant) relinquentes. Neque ista tantum uel apud lanios discuntur, uerum etiam cuticulæ natura, quum lanij obustos prius porcos deradunt, aut potius, quum calidæ aquae ipsos immergentes, pilos unà cum cuticula descalpunt.

DE HUMANI CORPORIS FABRICA LIBER II.  
**DE INSTRUMENTIS, QUAE SECTIO-**  
*bus administrandis parari possunt. Caput VII.*

**ANATOMICORVM INSTRVMENTORVM DELINEATIO.**



- CHARACTERVM SEPTIMI CAPITIS FIGURAE INSTRVMENTORVM  
**PRÆSENTI** figura mensæ cuiusdam incumbentem sinximus, in qua uerorum sectionibus opportunè utimur, dein huic asseri omnia propemodum accedentibus in dissectionum administrationibus, adeoque tota Anatome quis posset uti. la leuiori opera assequaris, huic etiam figuræ characteres, ac demum eorum in non grauatus sum. Indicetur itaque  
 A, A Mensa, cui reliqua omnia modò seriatim indicanda supersternuntur.  
 B, B Asser uiuis sectionibus administrandis idoneus.  
 C, C Varia foramina, quibus laqueos pro animalis mole adhibemus, quum femora et b  
 D, D Eiusmodi anuli, summis manibus pedibusque ligandis adaptantur.  
 E Huic anulo maxilla superior, libera inferiori, catenula alligatur, ut caput immo  
 ac interim neque uox, neque respiratio uinculorum occasione praepediantur.  
 F, F Diuersa nouacularum genera, quibus spongia accumbit.  
 G Cultelli ad earum speciem formati, quibus calami adaptantur.  
 H Vulgaris qui mensæ adhibetur culter. I. Grandis ac u  
 K Culeri è buxo parati. L Hamuli. M Varij styli  
 N, N Obliquae acus cum filo crassiore, quibus literarum fasciculos colligamus.  
 n Minores acus, quas uulneribus suendis accommodamus.  
 O Serra P Forficula. Q Malleus lig  
 R Arundines in strandis pulmonibus, & alijs quibusdam partibus idoneae.  
 S Filum aeneum, ossibus neclendis aptum. T Subula forandis os  
 V Varia subularum ferra. X Forpex intorquendis filorum extre  
 Y Forpex, quo intorti, & ossa iam committentis fili reliquias praescindimus.